

## НОНЮУША ТҮМЭН

Табатай Түмэн телигээр мультигуудыг угаа хонирхон хараха дуратай юм.

Нэгэ үдэр телигээ хараха гээд, тэрэнээ гэрэлтүүлхэдэнь, эжны телевизор сооһоо үгэ хэлэжэ һууба. Гайхахын ехээр гайханан Түмэн зүгүдэ хадхуулһандал газраа тээшээ гүйжэ гараад, тээбии таабай хоёртоо:

— Үтэр түргэн гэртээ орыт! Эжымни телик соо орошоод һуунал! — гэжэ амияа абажа ядан хашхарба. Хоёр хүгшэд хэжэ байһан ажалаа орхижо, шамдуухан гэртээ орон гэнээн, Сэсэг бэринь үнэхөөрөө телевизор сооһоо үгэ хэлэжэ һууба.

— Таабай, таабай, энэ телик руу ороод үзэлши, багтаха гүш? — гэжэ ашань асуужархиба.

— Үгыл ааб даа, томо хүнһөө болохо бишыхан үхибүүншье багтахагүйл,— гэжэ таабайнь харюусаба.

Нонюуша Түмэн:

— Үгы, теэд эжымнай хайшан гэжэ телик соо багтаад һууна гээшэб? — гэнэн хатуухан асуудал таабайдаа табижархиба.

— Телевизор соо хэншье ородоггүй, харин хүнэй һүүдэр гэр дээрэхи антеннээр дамжан, телик соо орожо ерэдэг юм,— гэжэ мэтээр таабайнь ойлгуулхаа оролдоно.

Ашань таабайнгаа хэлэнһэниие балайшье ойлгоогүй хэбэртэй: телик соо элдэб юмэнүүдэй хайшан гэжэ бии болодог тухай асуугаад халахагүйдэнь, таабайнь:

— Үгы, яагаа намарай нюдэгүй батаганаандал, хүниие дайлаад, халаха хуурахагүй хүн гээшэбши? Эжынгээ ерэхэдэ, хайшан гэжэ телик соо ороод һууһан тухайнь өөрһөөнь асуугаарай,— гэжэ хэлээд, газраашаа шамдуухан гараба.

Үдэшын боро хараанай таһаржа байхада, эжны ажалһаа ерэбэ. Эжынгээ ерэхые хүлеэжэ байһан Түмэн:

— Эжы, а эжы, хайшан гэжэ телик соо багтаад һуугаа

гээшэбши? — гэжэ һонирхобо.

Телевизорээр хэгдэдэг дамжуулга тухай хүбүүндээ ойлгуулжа ядахадаа, эжынь иигэжэ хэлэбэ:

— Шамда теле-дамжуулга тухай ойлгуулхань бэлэсэн хэрэг бэшэ гэжэ ойлгобоб, тиимэнэеэ дахин намайе урихадань, шамайгаа телестудида абаад ошохоб, тэндэ өөрөө харахадаа, ойлгохо бээш.

Тэрэ үдэрһөө хойшо Түмэн телестуди ошохоо хүлээдэг болоһон байгаа.